

Innsamlingsaksjonen trong rodeleiar. Helene Huse Bjørnebøle har meldt seg til oppgåva.

13.10.2016



Det trengst rodeleiar i Uskedalen.

OPPDATERT(sjå slutten av saka og notis): TV-aksjonen 2016 går av stabelen søndag 23.oktober. Førebuingsarbeidet er godt i gang, og her i Kvinnherad gjer kommunekomitèen eit godt førearbeid. I Uskedalen kan den opphavelige rodeleiaren dessverre ikkje delta pga dødsfall i nær familie og reise til gravferd. Derfor treng ein no sårt at nokon melder seg til denne oppgåva.

Rodeleiaren får informasjon frå kommunekomitèen og skal organisera innsamlinga på søndagen. Innsamlinga pågår eit par timar og vert organisert frå Gamleskulen. Det er godt innarbeidde rutinar så det er absolutt ei overkommeleg oppgåve.

Medlemmer i kommunekomitèen har ringt rundt i dag i håp om å få tak i rodeleiar utan å få napp. No håpar dei at nokon vil melda seg når dei les dette. Elisabeth Berg Hass i komitèen vert svært glad om nokon melder seg på mobil 400 41 466. Ho seier at dei kan hjelpa til med å skaffa bøsseberarar, eit arbeid dei alt er i gang med, men det er viktig at dei har ein ansvarleg for å henta bøssene, dela dei ut og samla dei inn att, og til slutt bringa dei til banken.

Bli med!



**SAMMEN FÅR
VI HJELPEN
HELT FREM**

OPPDATERING: Ei glad Elisabeth Berg Hass i kommunekomiteèn melder at Helene Huse Bjørnebøle har meldt seg til å ta oppgåva som rodeleiar. Kjempeflott!! No åpar vi også at folk er flinke til å melda seg som bøsseberarar.

Tekst og nett: Thor Inge Døssland